

臺灣客家語

現代詩社會組第三名



泥裡肚發个夢（四縣腔）

一碗一碗个滾水 咕嚕咕嚕響
大口大口啣落去 止渴止朽
潑出佢 鹹鹹个汗水
流在同阿姆共樣燒暖个泥肚
年年季季 發著共樣个夢
目汁
濕潤 在每一個暗晡个枕頭邊
從上早上早 幾下百年一路里來
世世代代个祖公 就在這埕
生毋出麼个榮華富貴个寒酸地土項
孕育出
篤實 認命 毋認輸个性格

勇士啊 係
阿爸稱呼个代名詞
笠嫲頭那頂戴 赤腳嫲踏
火炭烏个面 砸礮軀身 手腳粗鱗
肩頭擎鑊頭 褲帶頭結刀嫲
一種時行打扮个身裝

逐日來出勤 拜訪該搭旱田
毋識懈怠个係該隻心肝
毋識生齒个係該枝大勾筆
擎起擎落 改去改轉
同地土做最親密个接觸同交換
滿足了
一屋下人个生活 燒暖

看啊 禾鷄仔
飛上飛下 嘍嘍喳喳 偷暢做得來飽穀一餐
番薯藤探頭 攀過崗看禾黃
稗仔 擲起頸根在風裡肚耀武揚威

6 月收成

富貴氣象滿禾埕 揀了一掖掖个金沙
日頭下 勇士共樣係
吞落嘴燥肚凹 承受風吹日炙
腳頭柄 擦纏 擦核
圓滿一家大細開支食著
佢語重心長：愛食定著愛煞猛

今晡日

尋轉該 熟絡過親切个所在
鼻著 春天个味緒
聽著 春天个腳步聲
路項个花草脫體幼路 顯出厥相迎个神韻

這埕地土 風霜雪水中有厥个擔當艱耐
增志个6月禾 在田項
逐串逐串恁朗花 恁飽果
分吾个孕育 滋養 教化 知總摻相惜

泥裡肚發个夢 笑了
笑到恁微人 恁芬芳 恁得人惜

作者感言

多年來從事於客語教學的工作，找回記憶，書寫過去，是個人創作的泉源及動機，始於對家鄉及成長環境、人事物的憶念。寫作的過程中有太多太多的過去歲月幕幕縈繞在腦際，在心深處翻騰，緬懷於臺灣客家鄉土人文社會的可愛、豐實、美麗。這回透過筆觸，對自我人生的滋養與懷舊中，情感發抒動筆搖桿之意念下完成拙作「泥裡肚發个夢」。

得獎的內心充滿驚喜！活化了我的人生，享受創作的喜悅，有勇氣的再堅持寫下去。

黃秋枝

臺北市立銘傳國民小學 本土語言支援教師

